

贛州府志卷之三十九 志人

鄉賢下

明

劉承直字宗弼贛縣人幼穎悟吐辭成章卓犖如宿構弱冠治經聞泰和王以道明易從之遊者數年徧讀其所藏書遂博通羣籍登元至正進士歷韶州別駕潮州同知入明被薦召對高帝奇其才識乙巳詔歸元集慶路學爲國子學承直爲博士吳元年丁未國子學初設祭酒司業以許存仁爲祭酒承直爲司業立規條以束諸生誘掖獎勵每朝上呼諸生試所業有通悟者輒召

贛州府志

卷之三十九

鄉賢下

承直褒賞承直爲人明達善觀時勢與人交好直言存仁將告歸祭先墓承直曰主上天與人歸公儒臣宜俟登極不容遽去存仁不聽果得罪已酉拜浙江按察司僉事時方谷珍初附人情洶洶承直接部懲其梗法之尤者一道清肅先是承直與豐城劉秩臨川熊鼎進賢朱夢炎皆以文學知名會朝廷方修典禮四人與焉書進並被褒賞秩知崇明州爲豪猾構陷坐謫籍秩子靜年十三承直行部遇於道携而拊之適遣使巡方乃令靜匍匐懇冤使者以狀聞上勅臺臣申勘得白於是改授秩他官而斬誣者其篤友誼多類此時國法嚴重遂

以疾乞歸家在空同山陽自稱空同雪樵以壽終有雪樵詩集行世

鍾磐字希仁興國人紹京之裔潛心經史博洽古今元泰定間教授成都人才多所成就又教民耕種之利民感其惠立生祠祀之明初當道交薦特遣行人趙彥可捧賫勅書賜磐禮幣徵赴闕道卒

謝志

王沂字子與雩都人好學工文值元季兵亂科目廢至正癸巳全普菴撒里分省贛州復設科取士遂以易領鄉薦時元儲撫軍得便宜授官以沂爲福建行省照磨不赴尋陞亞中大夫吉安路治中亦不受洪武辛亥朝

贛州府志

卷之三十九

鄉賢下

二

呂薦爲諸王說書召至京數月授福建鹽運司副使以老懇辭賜歸屏居不復出所居城西有竹數百竿日寄傲其中爲古文宏辯浩博論古今成敗得失馳騁貫穿而折之於理誘接後學皆欣然從之尤喜賦詩所與游若襄城楊伯謙秣陵周湏豫章萬石大梁辛敬清江趙鏞劉仲修鄉先生劉尚書昆弟日唱和往還著有竹亭退稿若干卷

羅念菴集傳

呂復字仲善興國人洪武初以文學徵爲國子典膳時修元史闕順帝事蹟遣使十一人分行天下凡詔令章疏拜罷奏請布在方策者悉輯之若乘輿巡幸宮中隱

諱時政善否民俗歌謠以至忠孝亂賊災祥之屬或見之野史碑碣家集中莫不悉心諮訪復被命先適北平採輯得書八十帙摩挲碑文四百通繼往山東得書四十帙碑百通用高麗翠紙為衣付行中書印識之上進已而續成史四十八卷後以功陞太常典簿尋為丞遣祭皇陵進卿坐事謫佢鳳陽復原官卒著有采史目錄北遊集

宋學士集

凌吉龍南人洪武七年以文學徵為刑部司門郎中持法明允獄無遁情已具成案即有力者弗能奪人服其公平

謝志

贛州府志

卷之三十九

鄉賢下

又二

唐均弼字明輔安遠人國初以文行受知于學士宋濂薦補本學教諭力行教化增闢學舍以居生徒士習為之一變以老謝事捐俸餘置義田以惠宗族邑令吳卜相建祠專祀之

謝志

黃莊字伯敬贛縣人篤學操行言動不苟洪武初以明經舉為本縣訓導歷陞國子博士十五年新建國學于雞鳴山之陽既落成改國子學為國子監車駕臨幸行釋菜禮御講筵講畢賜各官羅衣各二襲二十年命莊署監事

謝志

趙志剛龍南人洪武初由文學為監察御史者十八年

嘉言讜議朝廷重之

龍南志

劉寔字友信信豐人早孤母李氏以故廬城南僻陋厚
值徙居學舍傍俾與師生游博通墳籍建文元年己卯
領鄉薦辛巳二月歷政刑部永樂初政命吏部簡拔殊
才擢廣東道監察御史錄大辟囚數十經其讞決者自
以爲不寃守母憂起復改山東道出按陝西時甘肅行
太僕寺馬政照刷多弊按察以聞上謂寔嚴明并以屬
之當遣卹刑官分行天下陝西勅書獨遣齊付寔又奉
詔考察諸僚條稱職者平涼守何士英等八十二人不
稱職者慶陽守劉愷以下二十八人疏上黜陟一如其

贛州府志

卷之三十九

鄉賢下

三

言上英明奏事者多震恐失措寔風采凝峻同官多推
讓焉一日事當奏偶依違被劾下獄獄中復上疏謫戍
遼海卒後經赦家屬奉柩歸於信

據信豐縣志增撰

陳勉字希進寧都人永樂丙戌進士爲人清慎端方授
廣東道御史彈劾不避權貴讞獄多平反清賦浙江尋
命巡按有平倭功寧波衛軍盜糧連坐者五百餘人疏
請寬釋陞廣東按察副使召入爲左副都御史扈從天
壽山宣宗欲出畋密雲勉疏謂民以食爲天春深獵必
傷稼乃止及親征漢庶人留守京城勉與尚書蹇義等
增定賞格并給帳房布疋軍士大悅上以勉知兵改勅

從駕凱旋錫賚甚厚嘗督蘇松常鎮等府漕運洛口提督軍務防邊癸丑命征會昌長河洞至則諭以恩威賊首朱南鄭就撫議置守禦及巡司民獲安堵焉國初罪人械送京師或至逋逃追捕累歲不已乃議贖鍰備賑至今用其例改南京大理卿景泰元年陞左都御史掌院事居二年乞休令有司歲給夫米卒賜葬祭

謝志

李旭字彥昇贛縣人少負奇氣倜儻有才略永樂二年貢入太學時清查賦役黃冊命都察院考選國子生三百人首推旭有幹材總其事以慎勤稱旨五年除權監察御史出按福建舉廉黜貪一路清肅踰年扈從巡狩

贛州府志

卷之三十九

鄉賢下

四

北京糾彈不避權要讞疑獄數有平反貴州新設省一切創始事宜特遣勘覈已又遣督造臨清倉廩具有成績上嘉其能十八年陞湖廣按察使二十二年陞布政使在任十年惠政旁洽宣德初佐少宰黃宗載採木調停轉運民力稍紓九年楚大飢賑濟多所全活正統元年請老以壽終旭歷任四朝廉仁如一日清節厚德鄉人迄今稱焉

謝志

郭端字季正雩都人永樂乙酉以貢入太學授行人壬辰選御史巡按廣東時鎮守大璫雷春恣睢殺人總兵尚書以下皆俯首唯命端列狀劾之竟置於法靖江輔

國將軍陰謀不法端以其事聞遂伏辜時雲南鹽法不清乃馳名端協同太監某給事張縉巡核滇南鹽政既至剔清宿弊措施井井有條貫事畢還朝適有假御史蔣得中迭擾閩廣湖湘間嚴旨緝之不獲端捕得之於延平賜鈔賞勞時安南初定欲簡才臣監軍并巡視兩廣交趾地方特旨簡端賜璽書統三軍三司羣僚皆聽考効由是遍歷兩廣巡視交趾折豪強雪冤抑釋管福亮陳道謙熊朝政於樂平辨陳勉李旭之無罪所至墨吏債帥莫不聞風膽落宣宗即位改交趾僉憲丁未遣工部尚書羅汝敬齋詔冊封陳嵩爲安南王端預出境

贛州府志

卷之三十九 鄉賢下

五

迎使先期三日而後至汝敬以迎詔後期上狀逮繫九年宥復原官未幾卒都憲陳勉撫棺痛曰吾爲國家惜老成非以哭其私也吉水解縉匾其祠曰兩道風霜

雲都志

黃閏字期餘信豐人幼穎敏不羣十六領鄉薦踰冠登永樂戊戌進士授翰林院庶吉士聲動館閣同進者忌之性復狷介在院九載左遷儀隴令卒年僅三十一所著有竹居吟稿四川通志載名宦中略曰政尚嚴明人不敢干以私號爲鐵知縣

信豐志

喻良熙字善甫會昌人永樂丁酉舉人初授雲南鶴慶府教授俗尚椎魯生儒猶佩弓弩良熙力爲化誘文教

漸興陞清遠知縣復判鶴慶府事士民被其教化者欣然稱慶

會昌志

余寬字仲仁贛縣人永樂庚子領鄉薦初授浙江金華知縣景泰初以才名復除福建沙縣時因鄧茂七之亂邑遭屠燼寬至無屋可居日焦勞於荊棘中重建公署招集流亡鎮守侍郎薛希璉一切倚賴之殫力經營閭井粗復舊觀遺民始得保聚竟以勞瘁卒官百姓悲號

祀名宦

贛縣志

湯衡瑞金人永樂中由貢知休寧復知昌化時撫黎土官桀驁與縣官抗深爲民害衡奏革土官黎人仍統於

贛州府志

卷之三十九

鄉賢下

六

州縣自後地方乃安

謝志

黃德溫字伯理信豐人正統戊辰進士初選考功主事英廟北狩時有內侍黨王振者旁叱言官於監國前德溫奮起批殺之血流朝衣王太宰直呼爲一代豪傑起復補兵部武選抗疏劾武臣怙勢求遷者戎政一清以事出判鎮江府掌馬政鎮有牧地數百畝爲豪右所囓德溫按之豪餽金百鎰拒弗受竟復其地疾革舉家禮授子震曰以此治吾喪毋崇佛事以壞家法家藏有慎

菴集

謝志

劉時省字日孜信豐人正統間以貢授黃陂令廉正剛

方門無私謁內艱歸補樂清清操如一出郊見枯骨輒瘞之民頌以詩曰頻埋白骨能捐俸贖魄黃金不動心

謝志

胡莊字子敬石城人正統間以貢授潯州推官威信素著大藤蠻奪去巡檢司印莊往撫諭即送還叅將范某被誣力爲辨釋范懷金致謝卻之乞歸人感其德

謝志

袁端字自中雩都人行義高古中景泰庚午鄉試歷程鄉永興教諭奉勘合撰修郴州實錄寓京師上書條陳十事憲宗嘉納之侍郎何喬新致書謂置之座右可資聖德爲順慶府教授秩滿當遷以養母告歸居喪毀瘠

贛州府志

卷之三十九

鄉賢下

七

踰禮有適軒集藏於家

謝志

曹明字文輝信豐人景泰丙子領鄉薦通判衢州清操絕俗嘗督京儲例金一無所受未幾引疾致仕

謝志

劉廣字若深興國人景泰間以貢授內丘知縣丁憂復除陽山邑初無城峒寇時擾廣拓地量工版築具舉一時雉堞巍然地方賴以保障都御史葉盛上其最未及錄用而卒

謝志

盧鴻字大賓寧都人景泰間入太學授臨武訓導訓迪諸生寒暑不輟九載致仕歸鴻爲人外和內剛坐必正襟衣常曳地閑居終日無惰容其教人不專進取董文

僖公越師事之邑有文行者多出其門

謝志

鍾胄字士魁興國人舉景泰丙子鄉試知山東賓州饒有幹局操持甚峻以憂歸家囊無餘積補知沅州卒士民感遺愛傷惜之

興國志

李迪字循道興國人景泰天順間以鄉貢知開州修葺城池增廣學基地二百畝拯救飢荒招撫流徙州人勒石紀其績

謝志

董越字尚矩寧都人幼孤爲母氏所鞠天順己卯舉於鄉試禮部不利卒業國子監功苦力學雖敝巾垢服名隱起儕輩間成化己丑進士及第爲編修九載考最進

贛州府志

卷之三十九

鄉賢下

八

侍讀直東宮講讀充經筵講官孝宗登極以右庶子頒朔朝鮮賜麒麟服以行餽贈無所受乃作賦以紀國俗他所題咏尤多國人鋟以傳之後貢使至猶問其起居辛亥修憲宗實錄成擢太常寺少卿兼侍讀學士每進講敷奏明暢義歸於正上爲注聽癸丑擢南京禮部右侍郎越博涉古典習聞本朝故事大夫士議禮者多取決焉三年考績京師子天錫已舉進士留累月乃去拜南京工部尚書平生爲文章歌詩典雅優裕無煩雕琢爲圭峰稿若干卷越修眉長身骨格清聳言動有則先世田業舉以讓其兄睦宗黨卹貧交壽七十二卒贈太

子少保謚文僖

據分省人物考改謚

張尚瑗曰文僖公圭峰集茶陵相國爲之序集中諸詩大約與茶陵聯唱爲多同時立朝於其鄉則廷秀鳳儀景鳴江左則舜咨原博濟之諸賢並入訓和此皆憲孝兩朝巨儒碩望可謂一時之盛也圭峰爲文不能如椒丘之博核南城之鑱刻而春容和易多與吾鄉震澤先生髣髴此其於懷麓堂之扶大雅振休明雖功力氣局淺深鉅細不同要之於臭味則一矣又其時崆峒詩法猶未盛行故圭峰詩句猶有宋元遺韵未若所謂不涉開元以後一字者虔臺先賢者

贛州府志

卷之三十九

鄉賢下

九

作如李行之章貢集曾吉甫文清集既已絕響茲集藏板亦失有寧都彭生者偶獲之會城書肆中從借觀之述其涯略蓋文獻之難徵如此

王京字宗周信豐人成化己丑進士授刑部主事癸巳山東飢奉命往賑多所全活陞員外郎讞獄南畿平反爲最河南有妖言獄久未決司寇奏委能者京往不兩月盡得其情陞郎中出守瓊州時瓊人以訟逮繫者數百人京日召囚四五人至庭諭以理而示以法言下即服囹圄遂空瓊父老喜相謂曰吾儕何幸今日復覩伯貞公邪伯貞前太守王文端公父字也名泰永樂中守

瓊有惠愛故以相方云丁父憂去任三年特詔吏部起補舊郡瓊人聞其來老稚皆色喜既至而生黎願爲編戶如熟黎者十餘峒亡何得疾卒瓊人專祠祀之

謝志

丁積字彥誠寧都人成化戊戌進士知新會縣新會廣劇邑號難治積至以師禮事陳獻章有所聞行之唯恐後爲政以風化爲本申明洪武禮制叅以文公四禮儀彙爲書鄉三老主之月朔進於庭優禮其能者嚴賭博竊盜之禁榜門示耻良家子游惰不作業者聚廡下使日誦小學親爲講解春秋祠事肅然如神陟降以俗信巫鬼痛毀淫祠吳村里有烈婦莊氏象山有烈女蕭氏

贛州府志

卷之三十九 鄉賢下

十

墓俱無主割廢廟田六十餘畝命邑人主其祭中貴弟梁長責民償逋過例訴之收而火其券豪猾屏息先是民苦賦外月供錢即單丁小戶歲亦不下五六十積論丁均派令歲輸畢即歸無復事事獻章賦樂歲詩曰長官願似丁明府甲首終年不到衙蓋紀實也壬寅大旱春盡種未入土積禱於圭峰絕頂昕夕伏壇下跪烈日中風飄爐火著衣不爲動須臾大雨因得疾遂卒士民立祠祀之歸德里有嫗夜哭而哀或問之曰來年應當甲首丁父死吾何以聊生邪積在官時二幼子歿於宦邸葬黃雲山今置有祀田墓得不廢邑人黃孚詩曰黃

雲山下匝黃雲雲裏鷓鴣啼小墳莫道哥哥歸不得令
公俎豆有餘薰其沒世不忘如此

謝志

袁慶祥字德徵號崖松晚年自稱野翁端子穎異有大
志博綜羣書性剛正深嫉逢媚心所否者雖權力不能
奪成化戊子鄉薦入太學歷事內府上書陳五事曰省
國費嚴選舉修武備存公道起民望疏入逮杖幾死發
回本監肄業祭酒周洪謨耿裕丘濬共書一劄貫日旌
之戊戌登進士知潛山縣潛山人曰是嘗廷論刑部尚
書董芳者也咸相戒不敢為不法事時流寓妖僧演術
惑衆慶祥緝獲斃之中官馬某道經潛山慶祥不為禮

贛州府志

卷之三十九 鄉賢下

十一

從者鞭笞胥役怒及長官中官笑曰此縣官乃往日打
不死袁秀才也歛威而去街婦夜績姑語婦曰寒甚可
斟瓶酒消之婦如言酌酒進姑曰酒甚清似袁縣官夜
卒聞之聲言於衆事傳京師南撫王恕特薦陞北刑部
主事小大之獄咸求其情時有近幸坐法方畏推勘慶
祥毅然成其獄大司寇何喬新侍郎彭韶驚服之廣西
幽獄柴岳案終年未定一訊決之卒甦岳等而加誣主
罪何喬新特疏旌異命總憲十三司刑獄事在部四年
奏最進階承德郎會兩廣寇亂廷議推陞廣潮南韶兵
備僉事時後山賊酋林大滿叔殺官兵為地方患慶祥

至申明賞罰訓練士卒一戰討平之明年斬增城賊吳永通等八百餘級撫散脅從者五千餘人潮陽童廣英僭稱亞王哨衆數千及羊斗石等俱次第撲滅高州大桂山賊衆踞險跳梁慶祥易服潛行察其響導伏精卒一鼓破之賊驚爲神幕官堵全素所親任偶矯制立斬轅門號令不阿如此又慮後山白水爲賊舊巢要徑乃調議從化馬場增城河源等處撥置規畫招集流移題建龍門新寧二縣扼其喉吭以望推進表廷論平寇開疆之績賜織金文綺宴光祿寺以親老乞休正德初追叙前勲晉階朝列大夫年八十一卒所著崖松集歸來

贛州府志

卷之三十九

鄉賢下

七

稿讀史錄古今雜議藏於家

零都志

羅洪先曰予嘗過零耳袁公事甚悉因歎曰浩然之氣上爲日星下爲河嶽貫萬古而不朽者也昔人慷慨一時湮沒後世氣餒故耳公初以孝廉扶持國是逆鱗抗疏幾殞身而弗恤繼秉節鉞清海宇肅嵐煙開闢疆土紓天子南顧憂急流勇退解組養親剛介之志金石不渝風節所垂百世具瞻真盛世君子也胡克和字節之寧都人年二十六始工舉子業精力兼人恒達旦不寢成化甲午領鄉薦知松溪政不苛細奸宄歛迹民甚賴之嘗遊羅一峰先生之門稱其孝行純

至云 謝志

胡易字光貞寧都人年二十八始讀易即超然有悟登弘治庚戌進士觀政吏部王冢宰恕深器之初授禮科給事中陞吏戶二科左右給事中監御庫疏論內監賀彬列其黷貨無厭罪狀彬飾辯有旨俱下獄後按奏多實竟出易而不直彬星變上修德弭災疏語極切直封駁糾正風采凜然奔母喪哀毀卒於途李相國時何侍郎孟春汪少卿舉藍御史田劉郎中志道李員外郎繼先皆出其門所著有易學淵源山斗文範 謝志

董天錫字壽甫越仲子弘治丙辰進士由郎中出守青

贛州府志

卷之三十九 鄉賢下

三

州值青大蝗寬賦發賑悉從便宜民幸安戢遷山東都轉運使內艱起復補兩浙剛廉自勵嘗阻巨璫私販權貴不能撼遷四川叅政計平芒部功寢不聞轉右轄政愈清肅三年遷貴州左轄引疾歸進秩大理卿致仕嘉靖己亥薦起以九廟災自陳得允家居左圖右史談國朝典章政事聽者忘倦有璜溪集刻於家 謝志

嚴鉅字文器雩都人鶚齋孫弘治己酉領鄉薦授杭州府推官辨冤獄清鹽弊商民戴之三載考績囊篋蕭然時中貴專政多以賄得美官或勸稱貸以行鉅曰有貸必償常俸幾何非取諸民不能辦與其損民而利吾官

盡去官以無損吾民乎當道交薦轉太僕寺丞奏減山東馬疋十之二三芻牧之困稍蘇陞平樂知府謝病歸卒於家提學蔡克廉扁其門曰清白吏

謝志

許廷用字必輔信豐人由貢授漳州府推官以清慎勤三字揭之座右尋歸斲桂樹而亭之日觴咏其中漳守陳高梧與同官其後巡撫江西數迎致之不赴年九十

六終

信豐志

何春字元之雩都人領弘治甲子鄉薦偕其弟廷仁師事王文成公於虔臺苦心研究寢食幾忘久之渙然有省嘗闢觀善巖與同志士論學其中初令詔安改舍山

贛州府志

卷之三十九

鄉賢下

古

復除霍山所至建立社學崇重禮教不事法令專務德教每朔望集諸生明倫堂講明人心道心之旨卒於官

邱有忖言集

雩都志

文伯達字士元會昌人以明經歷仕南京工部郎中解綬歸里未嘗一日廢學設義館以教鄉黨子弟遵行朱子家禮家有文山遺像每日整衣冠端拜率以爲常袁慶麟字德彰雩都人初爲諸生矻矻攻舉子業忽自悔悟銳志聖賢之學久之渙然有省曰吾性自足何事外求既膺鄉薦以親老不仕督學聘主白鹿洞郡守聘設教俱不就正德戊寅謁陽明先生先生稱服曰是從

靜悟中得來者也檄有司禮聘督本府社學年六十五卒王公爲文誄之曰古所謂朝聞道夕死可者德彰其庶幾焉

謝志

劉潛字孔昭贛縣人少嗜學性端方讀經史必正衣冠肅容正德癸酉舉於鄉令銅陵民有訟者多勸釋之擇子弟之秀者聚而教之民知禮讓獄訟日稀胥役多求去令經制在官者勿去餘悉歸農羨耗悉除歲以俸薪自給聞王文成公講學於虔乞歸就道陵人泣留不得及歸里會王公誓師鹿江潛趨謁行間王公曰劉君所學實措諸行事猶程子令晉城也家居十餘年郡學者

贛州府志

卷之三十九 鄉賢下

五

多宗之

贛縣志

謝嘉字立齋會昌人歲貢授直隸全椒知縣性簡朴不悅紛華少時強記過人居官以剛介忤時而歸優游莊居詩酒自娛有晉栗里之風

會昌志

何廷仁初名秦字性之別號善山零都人魁形長髯廣目豐準遇人無少長謙冲煦濡語必盡情王公守仁節鎮虔臺四方學者多歸之廷仁謁見於南康時廷仁有繼母之喪斬然以禮自持守仁見之歎曰是可謂不學以言而學以躬也既聞萬物一體之論致良知之說遂豁然有悟不務外馳而求心性守仁在南浦則左右於

南浦在越則左右於越嘗語同志曰學問之道須從起
端發念處察識於此有得思過半矣又曰知過即是良
知改過即是本體嘉靖壬午舉於鄉辛丑授新會知縣
不務法令而務德化視邑之要害曰松柏堡曰臨江臺
請樹兵防衛寇患遂息置社學立訓規由是窮山荒谷
皆彬彬有禮讓之風復全節大忠二祠於崖門創義塚
以祀勤王死義之士凡所設施皆關風教以最遷南京
工部主事分司儀真權蕪湖市價稱平致仕歸卒督學
王敬所合歐陽德同配饗於鬱孤之陽明祠著有善山

集

謝志

贛州府志

卷之三十九

鄉賢下

六

黃弘綱字正之號洛邨雩都人舉正德丙子鄉試嘗曰
聖賢千言萬語大要不越主敬二字一言一動必範於
禮雖在燕居如對君師正德丁丑王公守仁講學虔臺
弘綱歸自計偕往謁甫三日悟心理合一之旨十四年
六月宸濠變起守仁倉卒整旅弘綱左右行間凡張疑
設間必與謀之嘉靖七年戊子守仁卒於南安弘綱扶
襯至弋陽適王畿錢德洪迎喪上嚴瀨遂同歸越倣築
塲義經紀其家嘉靖甲辰授汀州府推官明罰勅法一
無所徇尋入爲刑部主事以直道忤冢宰遂拂衣歸每
歲放丹青原與聶豹鄒守益羅洪先諸君子尋繹師學